

Lozcwngz: Hozdung Miz Yinx Ndaw-biengz "Sam Nyied Sam" Angq Dahraix

罗城：“三月三”民间趣味活动乐翻天



▲Bouxcoz doxdax Mulauj cuzgiuz.



▲Ciengj gaeq doxdax.

4 nyied 9 hauh (liggaeuq ndwen sam cosam), Lozcwngz Mulajucz Swciyen Bouxcuengh, Mulajucz, Yauzcz, Myauzcz, Dungcz daengj beixnuengx saujsu minzcuz doxcomz guh hozdung, doengcaez angqhoh conzdungj ngoenzciet "sam nyied sam".

Cungguek saujsu minzcuz conzdungj ngoenzciet "sam nyied sam" geizgan, daengx guek aen Mulajucz swciyen dog—Guengsae Lozcwngz Mulajucz Swciyen youq gak gingjiemj gingjih banh fouxfungcingz Mulajucz, Mulaj cuzgiuz, ciengj ceiz, foux lungzfiengz, doiq fwen daengj minzcuz comzyienj caeuq miz yinx diyyuz doxdax hozdung, dangdieg Bouxcuengh, Mulajucz, Yauzcz, Myauzcz, Dungcz daengj beixnuengx gak saujsu minzcuz doxcomz ciengqgo diuqfoux, baijyienj minzcuz fungcingz, angqhoh saujsu minzcuz conzdungj ngoenzciet "sam nyied sam", yinx ndaej gak dieg haujlai hekyouz daeuj yawj.

(Liu Gvanghfuz/廖光福)

Fungsanh: Conzdungj Diyyuz Haeuj Hagdangz

凤山：传统体育进校园

4 nyied 6 hauh, Hozciz Si Fungsanh Yen banh conzdungj diyyuz haeuj hagdangz hozdung, cujciz 150 boux cungh siujhagseng haiguh bengcag, bau aendomq, sam vunz haizgieg daengj 10 aen conzdungj diyyuz hanghmoeg doxdax, hawj gyoengq cungh siujhagseng roxninh gij yinx minzcuz conzdungj diyyuz, angqangq yangzyangz angqcoux conzdungj ngoenzciet Bouxcuengh "sam nyied sam" daeuj daengz.

(Cauh Wnhgwz/周恩革)



▲Hagseng diuq fouxsaux.



◀ Ciep aendomq caen cingq.

Ginhxiu: Minzcuz Siujyoz Guh Hozdung Angqhoh "Sam Nyied Sam"

金秀：民族小学开展系列活动欢庆“三月三”

4 nyied 6 hauh, Ginhxiu Yauzcz Swciyen Minzcuz Siujyoz haiguh le gyongraez cauhlienhdang biujyienj, diuq fouxsaux, fwngz guh daegsaek doxgaiq minzcuz daengj doxdax hozdung, angqhoh "sam nyied sam" daeuj daengz.

Ciuq cam rox, aen hagdangz neix 3 nyied 30 hauh daengz 4 nyied 7 hauh faenbied haiguh le ciengq go minzcuz, minzcuz diyyuz doxdax, minzcuz vwnzva cihsiz doxdax daengj baenzdauq minzcuz vwnzva gyauyuz hozdung, lij leihyungndawhag gvangjbo, hwzbanjbau, dangzbanhdui daengj hingzsiq, gangj "sam nyied sam Bouxcuengh" minzcuz conzdungj ngoenzciet daengj minzcuz vwnzva. Doenggyaq haiguh baenzdauq gyauyuz hozdung, gyahung minzcuz vwnzva senhconz, fungfouq hagdangz vwnzva saedceij, hawj gyoengq lauxsae hagseng engq lai roxyiuj Guengsae minzcuz vwnzva conzdungj maenhndei, daezsang hagdangz minzcuz doxgiet gyauyuz caeuq huzndei cinbu suijbingz.



▲Hagseng diuq fouxgyongraez.

Daengx Guek Vwnzva(Vwnzyoz) Yenzgiusoij Sojcangj Yaengdamz Youq Din Byaraiz Banh

全国文化(文学)研究所所长论坛在花山脚下隆重举行



▲Hai hoih yienhciengz.

4 nyied 8 hauh, gaiq daihcibgouj Daengx Guek Segohyen Vwnzva(Vwnzyoz) Yenzgiusoij sojcangj yaengdamz youq Ningzmingz Yen din Byaraiz banh. 40 lai boux vwnzva(vwnzyoz) yenzgiusoij sojcangj, yenzgiuyenz daengj lauxhangz daj Baekging, Sanghaij, Gyanghsuh daengj 20 lai aen sengj daeuj haenx camgya hai hoih. Aen hoih neix hai 3 ngoenz, ciuq minzcuz vwnzva swnjcienz caeuq hwngfat, seiqgyaiq vwnzva yizcanj nem vwnzva canjnieb hwngfat, Cungguek ranghdieg vwnzva doxgyau, vwnzva lijyouz canjnieb hwngfat daengj guh le cungfaen doxgyau caeuq yenzdauj.

(Cauh Yizgangh/周贻刚)